


Ka Moporesidente  
Thomas S. Monson



# Go lemoga gape Mowa wa Keresemose

**D**ingwaga tse di fitileng keke mogolwane yo mmotlana, Ke ne ka bilelwa le ba bangwe kwa kokelong mo Toropokgolong ya Salt Lake go fa masego go bana ba bannye. Ka go tsena, re ne ra bona setlhare sa Keresemose sena le dipone tse di phatshimang sele tebego mme ra bona mephuthelwana eo e neng e phuthetswe ka bonontlhotlho ka fa tlase ga dikala tsa sone tseo dineng di phuthulogile. Mme re ne ra ya mo dikhoritoyeng koo basimanyana le basetsanyana — bangwe ba hapilwe ka polasetara mo letsogong kgotsa mo leotong, bangwe ka malwatsi a gongwe a neng a ka se kake a fodisiwe ka go ipaakanya ba ne ba — re dumedisa ka difatlhego tsa menyenyo.

Mosimanyana yo monnye, yo a neng a lwalwa thata o ne a mpitsa, “Leina la gago ke mang?”

Ke ne ka mmolelela leina lame, mme o ne a batlisisa, “A o tlaa mpha tshagofatso?”

Tshagofatso e ne ya fiwa, mme e ne ya re re retologela go tswa mo bolaong jwa gagwe, o ne a re, “Kealeboga thata.”

Re ne ra tsamaya dikgato dile mokawana, mme Ke ne ka mo utlwa a bitsa, “Ao, Morwarre Monson, itumelele Keresemose.” Mme monyenyo o mogolo o ne wa nna gareng ga sefatlhego sa gagwe.

Mosimane yo o ne a na le mowa wa Keresemose. Mowa wa Keresemose ke sengwe se Ke solofelang

rotlhe re ka nna le sone mo dipelong le mo matshelong a rona — e seng fela mo pakeng e fela mme gape le mo ngwageng otlhe.

Fa re na le mowa wa Keresemose, re a mo gakologelwa Ene yo o matsalo a gagwe re a ipelelang ka paka e ya ngwaga: “Gonne go lona go tshotswe letsatsing le mo toropokgolong ya ga Tafite Mmoloki, yo o eleng Keresete Morena” (Luke 2:11).

Mo letsatsing la rona mowa wa go fa dimpho go tsaya karolo e kgolo mo go ipelelang paka ya Keresemose. Ke ipotsa gore a re ka seke re boelwe ka go ipotsa gore, Ke dife dimpho tse Morena a ka di ntetlelang gore *ke* di Mofe kgotsa ke di fe babangwe ka paka e e tlhwalhwa e ya ngwaga?

Mpe Ke gakolole gore Rraetsho yo o kwa Legodimong o batla mongwe le mongwe wa rona gore a mofe Ene le Morwaa wa Gagwe mpho ya kobamelo. Ke ikutlwa gape gore O ka re batla gore re fe ka borona le eseng gonna bopelo tshetlha kgotsa boikgagapelo kgotsa go omana, jaaka Morwa wa Gagwe wa tlhwalhwa a gakolola mo Bukeng ya ga Momone.

“Ammaaruri, ammaaruri Ke ya lo raya, e ne yo o nang le mowa wa komano ga se wame, mme ke wa ga diabile, yo o . . . fuduwang dipelo tsa batho go ganetsana ka tshakgalo, go mongwe ka yo mongwe.

“Bonang, se ga se thuto yame, go fuduwa dipelo tsa

batho ka tshakgalo, mongwe kgatlhanong le yo mongwe; mme se ke thuto ya me, gore dilo tse di jalo di tshwanetse go fedisiwa” (3 Nephi 11:29–30).

Mo tebalebong e e hakgamatsang ya dinako tsa botlalo, ditshono tsa rona tsa go rata le go fa ka borona di ka tota di sa feleng, mme gape di na le go latlhega ka tiegelo. Gompiano go na le dipelo go itumedisa, mafoko a bopelontle go a bua, dithuso go di dira, le mewa go pholoswa.

Mongwe yo o neng ana le tebo e e maatla mo mongwe wa Keresemose o ne a kwala:

*Ke nna Mowa wa Keresemose —*

*Ke tsena mo legaeng la khumanego, ke dira bana ba ba difatlhego di phaphaletseng go bula matlho thata, go itumela ka kgakgamalo.*

*Ke dira gore seatla se se tshwereng sa moikgagapedi se tlogele mme ka jalo ke take mo felwaneng ya mowa wa gagwe phatshimo.*

*Ke dira gore bao bagodileng ba shafatse bonana jwa bone mme ba tshege ka tsela ya bogolo ya boitumelo.*

*Ke tshegetsa keletso ya lorato gore e tuke mo pelong ya bonyana, mme ke phatshimise boroko ka ditiro tseo di rokeletsweng ka masalamose.*

*Ke dira maikemisetso a go thusa bao ba ba tlhokang, ke ba tlogela ka dipelo tse di hakgamatsang ka bomolemo jwa lefatshe.*

*Ke dira gore morwa sesenyi a eme ka nakwana tsela ya gagwe ya bophologolo, ya go sesomarelang mme a romelele mme a romelwe kwa lorato le le tlhobaelang ele sesupegetso seo se ntshang dikeledi tsa boitumelo — dikeledi tseo di tlhatswang meradi eo e thata ya bohutsana.*

*Ke tsena mo diseleng tse di lefifi, ke gakolola bonna jo bo tshogileng ka ga se e kannang sone le go ba supegetsatsa kwa pele ka malatsi a a molemo a a tlang.*

*Ke tla ka boleta ka bo iketlo, mo legaeng le le sweu la botlhoko, le dipuonama tse di bokowa go bua ele fela go roroma ka tidimalo, malebogo ao a a buegang sentle.*

*Ka ditsela tse sekete, Ke dira gore lefatshe leo le lapileng le lebe godimo go sefatlhego sa Modimo, mme ka nakwana e nyenyane ba lebale dilo tse di nnye tseo di tlhabisang ditlhong.*

*Ke nna Mowa wa Keresemose.<sup>1</sup>*

A rotlhe re lemogeng sesha mowa wa Keresemose — eleng tota Mowa wa ga Keresete.

#### NTLHA

1. E. C. Baird, “Christmas Spirit,” mo James S. Hewitt, ed., *Illustrations Unlimited* (1988), 81.

## GO RUTA GO TSWA MOLAETSENG O

Jaaka fa o abelana molaetsa wa ga Moporesidente Monson le lelwapa, akanyetsa o gatelela potso eo ae boditseng ka ga dimpho tseo Morena o ka re batlang gore re di fe go Ene kgotsa go ba bangwe mo pakeng e. Rotloetsa maloko a lelwapa gore a kwale dikakanyo le megopolo ya bone (kgotsa, go bana ba ba botlana, tshwantsha setshwantsho) ka ga gore o ka “lemoga jang sesha mowa wa Keresemose — eleng tota Mowa wa ga Keresete.”

## BONANA

### Bosigo ka Botlalo Pele ga Keresemose

Ka Jerie S. Jacobs

**E**rile ke gola, nngwe ya karolo e e neng e gaisa thata ya ngwaga mongwe le mongwe e ne ele bosigo pele ga Keresemose. Lelwapa lame le ne le dira phitsha, ba ye kopelong ya di kherole, mme gape ba kgobokane go nna le neelo ya Keresemose. Re ne re opela difela ka bosenang boiketlo ka molodi wa karolo tse nne mme ra opela di kherole godimo ka go farologana ga rona mo go neng go sa tlwaelesega. Ntate o ne ka metlha a swetsa mantsiboa ka kakanyo ya Keresemose eo e neng e re tlogela ka dikeledi tsa boitumelo. Botshelo bo ne bo sa nne botoka gona le Bosigo pele ga Keresemose.

E ne ya re ke setse ke godilenyana, mme wa me o ne a simolola go tlhokomela moagisanyi yo mmotlana, Kelly. Kelly o ne a tla kwa ntlolong ya rona letsatsi le letsatsi morago ga sekolo fa mme wa gagwe, Patty, a bereka. Kelly o ne a ntshala morago jaaka ntsanyana — ka modimo le ka letlhoko. E ne ka metlha go thusa fa Patty a tsaya morwaetsana wa gagwe mme a tswe mo legaeng la me le lelwapa la me ka kagiso.

Sedimonthole mongwe, Ke ne ke tshwenyegile fa mme wa me a laletsa Patty le Kelly gore ba kopane le rona ka Bogiso pele ga Keresemose. *Bosigo jwa Me Pele*

ga Keresemose. Mme wame o ne a nnetefaletsa gore, "Ga gone go fetola sepe." Mme Ke ne ke itse botoka. Batlile go ja phitsha ya rona yotlhe. Kelly o ya go tshoga go opela ga rona. Ke ne ka tlogelela go rona Bosigo pele ga Keresemose jo bo maswe le go feta.

E rile fa mantsiboa a goroga, Patty le Kelly ba ne ba kopana le rona, mme re ne ra bua le go tshoga le

go opela. Mme wa me o ne a nepagetse. E ne e le ka botlalo. Ka bosigogare ba ne ba re leboga mme ba kgaogana le rona e se ka keletso. Ke ne ka ya ko bolaong ka pelo e e tletseng. Ke ne ka lemoga fa dimpho tseo di tlhwatlhwa tsa Keresemose ga di nyelediwe fa di abelana. Mo boemong joo di a natifisiwa gape di okediwe fa re di fa.



Tumelo, Lelwapa, Thuso

# Thuto ya Ketelo, Tiro ya Pholoso

*Bala sedirisiwa se ka thapelo mme, fa go tlhokega, buisanya le bakaulengwe bao o ba etelang. Dirisa dipotso go thusa gore o thatafatse bakaulengweba gago mme o dire Mokgatlo wa Thuso gore e nme ntsha nngwe ya botshelo jwa gago e e tlhaga.*

**T**huto ya ketelo e fa basadi tshono ya go lebelelana, go thatafatsa, le go rutana — ke ka boammaaruri gore ke tiro ya pholoso. Ka thuto ya ketelo, bakaulengwe ba fa boruti mo boemong jwa Mmoloki le go thusa go baakanyetsa basadi masego a botshelo jwa bosa khutlheng.

“Re tla ya ‘go tlhagisa, go atolosa, go kgothatsa, le go ruta, le go laletsa [ba bangwe] go tla kwa go Keresete’ (D&C 20:59), jaaka Morena a buile mo di tshenolong tsa gagwe,” ga bua Moporesidente Spencer W. Kimball (1895–1985). Go godimo ga moo, o ne are, “Bopaki jwa lona ke tsela ya go buisa molaetsa jo bogolo.”<sup>1</sup>

Fa rona rele baruti ba ketelo re oketsa kitso ya rona ya boammaaruri jwa efangele, bopaki jwa rona bo thatafatsa le go rotloetsa bakaulengwe bao ba ipaakanyetsang go kolobediwa le go tlhomamisiwa. Re thusa maloko a masha gore a tseye karolo thata mo efangeleng. Diketelo tsa rona le lorato di re thusa go “fenya gape bao ba ba duleng mo tseleng [le] go thuthafatsa dipelo tsa bao ba ba goletseng mo botsididing mo efangeleng.”<sup>2</sup> Mme re rotloetsa bakaulengwe go tla go Keresete ka go tsena tempele.

“O ya go pholosa mewa,” ga bua Moporesidente Kimball go etela baruti, “mme ke mang yo o

ka boeleng fa e se gore bontsi jwa batho ba ba siameng bale tlhaga mo Kerekeng gompiano ba tlhaga ka gore o ne o ile mo magaeng a bone le gore o ne wa ba fa tebego e ntsha, tebelelo e ntsha. O ba sedimoseditse dilo dingwe tseo ba neng ba sa di thaloganye. O ba okeleditse dikgoneng tsa bone. . . .

“O a bona, ga se fela gore o boloka bakaulengwe ba, mme gongwe gape le banyadi ba bone le magae a bone.”<sup>3</sup>

## Go tsweng mo Mafokong a tumelo

Dithuto le Dikgolagano 20:59; 84:106; 138:56

## Gotsweng mo Ditsong tsa Rona

E ne ya re fa Moporofiti Joseph Smith a rulaganya Mokgatlo wa Thuso, o ne are basadi ga se fela gore ba tlhokomele bahumanegi, mme gape gore ba pholose mewa. O ne gape a rutileng basadi mo Kerekeng go tsaya karolo ya botlhokwa mo thulaganyong ya pholoso ya ga Rraetsho yo o kwa Legodimong.<sup>4</sup> Re kaelwa ka melawana e e rutileng ka Moporofiti Joseph Smith, rele bakaulengwe le malwapa mo Mokgatlong wa Thuso re ka bereka mmogo le go baakanyetsa basadi le malwapa a bone masego a magolo thata a Modimo.

“Tlaa re nneng le bopelotlhomogi mo go ba bangweng ka rona,” ga bua Moporesidente Brigham Young (1801–77), “mme [bao ba] nonofileng ba oke ka lorato ba o baba leng bokowa mogo ba nonotsheng, mme mpe bao baba bonang ba kaele difofu go fitlhela ba bona tsela kabo bone.”<sup>5</sup>

## DINTLHA

1. Spencer W. Kimball, mo *Daughters in My Kingdom: The History and Work of Relief Society* (2011), 116.
2. Eliza R. Snow, mo *Daughters in My Kingdom*, 83.
3. Spencer W. Kimball, mo *Daughters in My Kingdom*, 117.
4. Bona Joseph Smith, mo *Daughters in My Kingdom*, 171–72.
5. Brigham Young, mo *Daughters in My Kingdom*, 107.

## Ke ka dirang?

1. Mokgatlo wa Thuso o mpaakanyetsa jang masego a botshelo jwa bosa khutlheng?
2. Ke ka dira eng go oketsa tumelo ya bao ba ke ba lebele-tseng godimo?

Go bona molaetsa yo montsi, ya ko [www.reliefsociety.lds.org](http://www.reliefsociety.lds.org)